

Laño gizakeraz  
maite zuten beraz,  
guziek bañan aintzaz  
ez zioten arras  
apalegi zen-eta bere egikeraz.

Oldez bai eta moldez margoztuz gañera,  
fleitean zun olea zer nai txedera:  
antzak itxurapentzen bai fiña manera,  
eskolaz ta baitakoz zegien, bitara.

Aguren gisara,  
atxo kuxkux era,  
gazteen joera  
¡nola ari zun, ara!

Giza-gauzok margozten, a zen aisera!

Auzoa dugu larri, itunik ta samin,  
betartera dakarte orok barrumin.  
Il denaz oro mintzo damuz alkarrekin;  
naigabeak jorikan, ezbearrak eragin.

Baiki da gogomin  
bakanetan bezin.  
Errukirik baldin,  
utz nerea dadin

Kalean dugu nausi hits ta dolumin.

*Gurbindo*

## UDABERRIA DA...

(Boris L. Pasternak)

Udaberria da. Kaletik itzuli naiz, lertxuna ikaraz  
[dan lekutik;  
an, urrutitasuna erabakitzen da, etxea ere, ondatzeko  
[bildurrez da,  
aizea eritegitik atera dan geixoaren  
jantzia bezelako urdiña da.

Arginabarra, etendako ipuin bat bezela utsik dago  
izar baten jarraipenak ere lagata  
milla begi gartsuk atzemanik,  
ondogabea eta bizigabea da.

*Otsalar'ek euskeratuta*